

Vo mir us

Pedi Fritz

Die huere Werbig brucht's wüekli 5 mal pro Stund
so das es au de fetti Hund, vom Nachbar mitbechunt
und so wie das übere chunt, mann ich chume nie drus
muss es Auto ine Parfumwerbig – ja vo mir us
aber hey, nei ich zahle Stüüre doch so gern
eus gahts supper ide Schwiiz, alli Problem sind so fern
die bescht Armee, immer meh Studente das isch euse Kern
en dicke Lohn für de Bundesrat in Bern – ja vo mir us
du fahrsch de geilschti Charre vo Dihei bis an Bahnhof abe
allei, verbi bim Chindergarte, mit 50 ide 30er prahle
das ghört zu dim Verfahre, irgendwann paar Wiiber z'knalle
aber e chlini Wohnig z'füfte zahle – ja vo mir us
trinksch täglich dini füüf Bier, kiffsch 7 Güff i dim Revier
Kaffi, Red Bull, Söse es git nüt wo du nöd konsumiersch
din Vater macht d'Monete und du hengschs Dihei
zwei salzigi Eier bambelet zwüsched de Bei – ja vo mir us

Ref

Du schissisch härt uf üs – ja vo mir us
kritisiersch euses Züüg – ja vo mir us
dis Lebe isch e Lüüg – ja vo mir us
das Lied isch für nüüt (das Lied isch für nüüt)

aber ei Sach wend sie nie verstah
was zur Höll gahts die Motherfuckers ah, was mir brichtet da
trotzdem loseds de Track und chönds ned lah
ja vo mir us, ja vo mir us

Badi

Ja vo mir us, gits für jede Topf de passend Deckel druff
aber s'wär scho Stuss, wenn's bi Mensche uf s'Gliche uselaufe muss
ha nüt geg dini Fründschaft plus
doch nimms mer nöd übel wenni sie ned mal mit de Biiszange ahlange wür Veruss
ja vo mir us, schrieb du Tracks uf Papyrus
wie de ledschti Hinterweltler, lebsch du im Minus
dass du nöd chasch rappe gsehn ich vom Mond, eimal um die ganz Galaxy und wieder zrugg vomne Segelschiff us
ich toleriere viel, bin für gwüssni scho z'lang i dem Buisness
und mit eim Tag Rapper sii, kennsch du kei Realness
du bisch de Rapking und en Hustler, doch für mich bisch du en Bastard
eine wo z'viel usraschtet, verdamnti Rapspaste
aber vo mir us, chunsch im AMG, bisch de Boss i däre Szene
aber ja, du muesch über d'Garage go chere
chunsch mer znäch, chum ich mitem Doppelmeter man
mir spitted wieter, fühl mich frei, wie de Peter Pan aaah

Ref

Pedi Fritz

Du montiersch bi Lieferwäge Mittelrückspiegel
das isch sehr hilfrich, so wie Autotune i Lieder
bi de Kasse füedränge ish überlebenswichtig
sie wott doch wüsse was staht ide Ziitig – ja vo mir us
zum Glück chömmer bald, alli zeme uf de Mond
d'Chind wärdet klont, dine wird de nächshti James Bond
ja vo mir us, aber wenn du 60 im 80er fahrsch, hört de Spass uf
drum rascht i us

Badi

Ja vo mir us, bin ich für dich nöd typisch Rap
meh so Pop mit Gsang, doch für dich langt's no lang
bisch plötzli handsam, wenn ich mich vorstelle
bisch gfiggt als würis uf Youporn stelle
ja vo mir us, bin ich z'friede und bescheide
muess nöd ahgäh für mis Team, sust lieber eleige
schmeiss de Chole usem Fenster, und das vo mir us
lueg tuusig mal besser als Dihei sitze weg me Virus

Ref